

Sarajevo, 09.2.2024. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO

n/r

Ministar komunalne privrede, infrastrukture, prostornog uređenja, građenja i zaštite okoliša

v.d. direktora KJP Skenderija

Upravni odbor KJP Skenederija

U skladu sa članom 106. i 213. Poslovnika o Skupštine Kantona Sarajevo, dostavljam zastupničko pitanje:

Molim informaciju o eventualnim (aktuelnim) planovima uprave KJP Skenderija za građevinsku rekonstrukciju dijela kompleksa Skenderije, posebno s obzirom na (neprovjerenu) informaciju koja se pojavila u javnosti a u vezi sa navodnom Odlukom o prestanku važenja odluke o proglašenju kompleksa Skenderije kao općeg dobra u javnoj upotrebi kojim upravlja preduzeće „Centar Skenderija DOO Sarajevo“.

Obrazloženje:

Spomenuti centar se nalazi pod određenim mjerama zaštite od strane Komisije za zaštitu spomenika BiH (27. sjednica održana 27.02.2019. („Sl.glasnik BiH“ broj 20/191) 1. KSC Skenderija-dvorana "Mirza Delibašić", "Ledena dvorana" i "Dom mladih", Sarajevo, dok je Odluka o proglašenju nacionalnim spomenikom pripremljena još od 2021.god. i čeka se njeno usvajanje na sjednici Komisije (<https://faktor.ba/vijest/stize-li-seik-da-rusi-skenderiju-kapidzic-kaze-da-je-to-nemoguće-kakve-informacije-ima-direktor-petrinic/216601>).

Dalje, Kulturno-sportski centar Skenderija u Sarajevu je proglašen arhitektonskim i kulturnim naslijeđem jednoglasnom odlukom Skupštine Kantona Sarajevo a na inicijativu samostalnog zastupnika Damira Nikšića.

Svjedoci smo oprečnih informacija u medijima, sa kojima ste, vjerujem, upoznati. Zbog digniteta Skupštine KS, svih nas koji smo preuzeli odgovornost odlučivanja o bitnim stvarima za Kanton Sarajevo, na kraju i digniteta Direktora u ostavci i svih vas u aktuelnoj upravi, te posebno zbog interesa javnosti, bio bih vam jako zahvalan ukoliko biste me upoznali sa trenutnom fazom u kojoj se nalazi projekat rekonstrukcije dijela kompleksa Skenderije i eventualnim problemima sa kojim se kao realizatori susrećete.

S poštovanjem,

Samir Avdić

Zastupnik u Klubu zastupnika SDP-a BiH u KS